



## **Universitätsbibliothek Paderborn**

### **Opvs De Ivdiciis Divinis, Qvae Devs In Hoc Mvndo Exercet**

Accessit index concionatorius in omnes totius anni dies Dominicos & Festos, ab ipso Auctore confectus

**Stengel, Georg**

**Ingolstadii, 1651**

4. Pestis etiam alia mala portendit.

**urn:nbn:de:hbz:466:1-45701**

Sab. lib. 9.  
En. 3. post  
Iustinum.

Diodor. lib.  
15.

III

IV.

Nicephor.  
lib. 35. hist.  
cap. 10.  
Bonfiu. lib. 7.  
der. 1.

sius Syracusis tyrannidem obtineret, missus, rebus ibi præclarè gestis vniuersum exercitum pestilentia amisi. Cuius acerbissimi casus affectu Carthaginem reuersus, manum sibi intulit. Numquam fames tam multos sustulit. Neque sanè tam inaudita fecit, quād de peste legitimus. Diodorus narrat, circa Olymp. C. pestilenti febre Carthaginem inuadente multos Carthaginensium morbo acriter correptos esse, ita ut de imperio suo periclitarentur. Siquidem & Libyes, & qui Sardonem inhabitabant, putantes, se occasionem iam aduersus Carthaginenses nactos, ab eis descivuerunt. Erant quoque perturbationes, & metus magni in populo: repentina quidam, cum omnium stupore excitati tumultus frequenter per urbem, cùm minimè expectarent, siebant. Multi arreptis armis, tamquam hostes profligaturi, excurrebant, & ferrum in se inuicem, tamquam in hostem quisq; suum strinquentes, mutuis cadebant vulneribus.

Neque subito dumtaxat effectu tristique morbo, sed etiam portento est metuenda, quia et si è fame timeri pestis possit, haud tamen ita constat, quid è peste sit euenturum. Nam & hæc causa famis esse potest, & indicium maximè clavis secuturæ. De fame, apud Nicephorum legitur: in gravissima peste, sub Martiano Imp. agros per annum integrum coli nequiuisse, ideoque nec fruges prouenisse. De hoste venturo narrat Bonfinius, ante Longobardorum in Italiam aduentum, multa Italiae infusa & infelicia signa apparuisse, quæ futura mala portendebant. In primis ita pestis usquequaque grassata est, ut nulla lucidus expers domus inueniretur. Euitandæ labis gratia, domicilia, facultates ac pecora deserebantur: cessabat agricultura, cæteræque artes ac studia omnia destituebantur. Parentes à liberis, ac liberi à parentibus destituti, nullum pietatis officium retinebant. His malis eti vniuersa Italia ad Noricos usque laborarit, præ cæteris tamen Liguria est absumpta. Et quamvis nihil aliud portendat hæc lues, ipsa tamen secum sat magnam malorum segetem affert. Sufficit in exemplum vel illa pestis; quam olim Scriptores gravissimi narrant Athenis exarsisse. Nam partes illorum, quorum corpora malum insederat, internæ ita flagrabant, adeoq; aestuabant, ut multi inexpleibili siti cruciati, in puteos se præcipites egerint.

egerint. Qui autem è morbo illo conualuerant, atque è lecto surrexerant, membra affecta amittere cogebantur; quo siebat, ut alij sine pedibus, alij sine oculis manerent in vita: nonnullos autem statim omnium peræquè rerum capiebat obliuio, ita ut non modò familiares suos ac necessarios, sed seipso etiam ignoraret. Neq; verò intra homines dumtaxat veneni huius vis se cōtinuit, sed in oves quoque ac pecudes diffudit, quæ illud è contactu humanorum corporum haurientes, illlico interibant: canes præsertim, qui propter contubernij & victimus societatem mali ingratis sensum magis præbebant. Postremò, quod omnium tristissimum, &, ut veteris Poëta verbo vtar, maximè *arumnabile* erat, illi, quos pestis comprehendenterat, omni salutis ac sanitatis spe abjecta, remedia omnia repudiare solebant: reliqui, tamquam & ipsi certi mortis, quævis pietatis officia negligere, leges contemnere, atque projicere, animis obsequi, honestatem voluptate corrūpere, opes aut hæreditate acquisitas, aut labore industriaq; partas profundere non ambigebant.

Si hæc non sufficiunt mala viuentibus, per pestes, creata, etiam vlt̄ illæ grassantur. Non solum enim vitam nobis illæ, sed honorem etiam sepulturæ ac funeris adimunt. Siquidem horum, quos ex humanis violenter eripit, corpora vel clam in horritis, aut etiam cellis sepeliuntur, vel in plateas ejecta, & noctu fere exportata, aut plaustris imposita, atque in communem scrobem euehuntur, sine comitatu, sine pompa in fossam coniiciuntur. Fames autem hochonore non priuat, nemo enim horret fame enectum. Multos certè audiuimus peste ac dolore nimio ab omni sensu alienatos, pro mortuis abjectos, & verò etiam elatos, primùm inter cadavera ad se, ac postea etiam ad suos redijisse. Quod & tibieini temulento accidit, qui cùm præ ebrietate progreedi non posset, in ipsa platea, ante cauponam, obdormiuit. Quia igitur tum peste extinti ante januas exponi solebant, ut à vespillonibus nocturnis asportarentur: hunc vino obrutum, cùm itidem defunctum arbitraretur, ad cetera cadavera in plaustrum injecerunt, cuinque reliquis corporibus ad cumulum cadaverum euixerunt, non antè è somno & ebrietate excitatum, quām se ipse, die postero, viump inter mortuos reperisset, vi-

V.

IV

N 2 numquæ